

**Francisci Monacelli Eugubini J. U. D. Protonotarii  
Apostolici, olim Ecclesiæ Venusinæ, ac deinde Æsinatis  
Vicarii Generalis, &c. Formularium Legale Practicum Fori  
Ecclesiastici**

In Quo Formulæ Expeditionum usufrequentium de his, quæ pertinent ad Officium Judicis nobile, continentur ; Opus Episcopis, Vicariis Generalibus,

Aliisque Iurisdictionem quasi Episcopalem exercentibus: necnon Confessariis, Parochis, Cancellariis, cæterisque in dicto Foro versantibus,  
apprimè utile ...

In qua præter Supplementum Formularum Fori extrajudicialis, accesserunt quamplures Formulæ Fori contentiosi, necnon nonnullæ litteræ Pastorales non minùs utiles, quàm necessariæ gubernium Ecclesiasticum assumentibus, ab eodem Auctore annotationibus auctæ, sacræ paginæ oraculis, & Sacr. ...

**Monacellus, Franciscus**

**Venetiis, 1707**

Decretum generale Sac. Congr. Rit. ab Innoc. XI. confirmatum de Altaribus privilegiatis pro defunctis, pro omnibus diebus, quibus Missæ defunctorum celebrari non possunt.

---

[urn:nbn:de:hbz:466:1-62423](https://nbn-resolving.de/urn:nbn:de:hbz:466:1-62423)

Sacerdotibus missas defunctorum aliquo determinato die , vel diebus , sive quotidie in Altari pariter determinato celebrantibus , quo casu si in dicto Altari privilegiato celebraretur missa de Sancto , vel Votiva , cessaret pro illa missa privilegium , sive Indulgentia , nisi occurreret Festum duplex , vel dies , in qua defunctorum missæ juxta ritum , & morem Ecclesiæ celebrari nequeunt , ut V. G. dies Domini ca , vel infra Octavam Paschatis Resurre-

ctionis , Pentecostes , Epiphaniæ , Corporis Christi , dies Cinerum &c. quibus diebus missæ , quæ in prememoratis Altaribus privilegiatis celebrantur , easdem habent Indulgentias perinde , ac si celebratæ fuissent missæ defunctorum , ita declaravit S. M. Alexander VII. die 22. Januarii 1667. Clemens IX. die 23. Septembris 1669. & Innocentius XI. die 4. Maii 1688. copiæ decretum , quod anteriora compleuditur ponitur hic per extennum .

*Confirmatio Decreti Congreg. Sacrorum Rituum , quo deciditur , declarationem à fel. rec. Alexandro VII. circa Altaria privilegiata perpetua editam , ejusque extensionem ad Altaria ejusmodi privilegio temporanea ; nec omnibus hebdomadæ diebus decorata à rec. mem. Clement. IX. concessam , intelligendas esse pro omnibus diebus , quibus juxta Rubricas Missæ defunctorum celebrari non possunt.*

## INNOCENTIUS PP. XI.

Ad perpetuam rei memoriam .

**A**rias postquam fel. rec. Alexander P.P. VII. Praedecessor noster per quasdam suas in simili forma Brevis die 22. Januarii MDCLXVII. expeditas litteras dubia in diversis Mundi partibus occasione Decreti Congregationis tunc existentium S. R. E. Cardinalium Sacris Ritibus Prepositorum die 5. Augusti MDCLXII. emanati , & ab ipso Alexander Praedecessore approbati , de non celebrandis Missis defunctorum in festis ritus duplicis exorta dirimere cupiens , inter cœtera quoad Altaria Privilegio Apostolico pro animabus fidelium Defunctorum in perpetuum decorata , & in quibus proinde quotidie etiam in festis ritus duplicis celebrandæ fuissent Missæ defunctorum ex obligatione , declaraverat per celebrationem Missarum de sexto currenti satisfieri: injunctis obligationibus , & indulgentias , per ejusmodi privilegia Apostolica , concessas animabus fidelium defunctorum in Purgatorio existentibus suffragari , perinde ac si celebratæ fuissent Missæ defunctorum ad formam dictorum privilegiorum ; rec. mem. Clemens Papa IX. pariter Praedecessor noster aliam subinde ortam dubitationem , utrum scilicet dictarum Alexandri Praedecessoris litterarum dispositio quoad Altaria pariter quidem privilegiata , sed non in perpetuum , nec pro omnibus hebdomadæ diebus , & ad quam Missæ non ex obligatione , sed ex sola fidelium devotione celebrantur , locum haberet , similiter tollere desiderans declarationem à memorato Alexander Praedecessore , sicut præmittitur , editam , ad Altaria , ut præfertur , non in perpetuum sed ad septennium , seu aliud brevius , vel longius tempus , & non in omnibus , sed aliquo , vel aliquibus tantum hebdomadæ diebus , tunc , & in futurum quandcumque privilegiata , auctoritate Apostolica extendit , & pro-

& proinde ut Missæ, quæ ibidem de Festo currenti, in quo Missæ defunctorum celebrari non possent, sive ex obligatione, sive ex sola fidelium devotione celebrandæ essent, suffragarentur, ita ut animæ Christi fidelium pro quibus celebrantur, Indulgencias per privilegia hujusmodi concessas consequerentur in omnibus, & per omnia, perinde ac si Missæ defunctorum ad formam eorumdem privilegiorum celebratae fuissent, eadem auctoritate concessit, & indulxit, & alias prout in ipsis Clementis Prædecessoris litteris etiam in forma Brevis die 23. Septembris MDCLXIX. desuper expeditis, quarum, & præfatarum Alexandri Prædecessoris litterarum tenores præsentibus pro plene, & sufficienter expressis, & insertis haberi volumus, uberioris continetur. Cum autem postmodum sicut accipimus, novum circa premissa excitatum fuerit dubium, videlicet, an supradictæ Alexandri, & Clementis Prædecessorum declarationes sibi pariter locum vindicarent etiam in diebus Dominicis, & infra Octavas Paschatis Resurrectionis, Pentecostes, & Corporis Christi, aliisque anni diebus, quibus, licet à festo duplice non impedianter, adhuc tamen Missæ defunctorum juxta ritum, & morem Ecclesiæ celebrari nequeunt, quatenus nimirum Missæ, quas iisdem diebus celebrare licet, servata ceteroqui diætum privilegiorum forma, ad præfata Altaria privilegiata celebrarentur, Nosque dubium hujusmodi Congregationi Venerabilium Fratrum nostrorum Sanctæ Romanæ Ecclesie Card. Sac. Ritibus Præpositorum examinandum commiserimus, ac ead. Card. Congr. re mature discussa nuper per suum Decretum die 3. Aprilis proximè preteriti editum præfatas Alexandri, & Clementis Prædecessorum declarationes intelligendas esse pro omnibus diebus, quibus juxta Rubricas Missæ defunctorum celebrari non possunt, responderit. Hinc est, quod nos, ex commissione nobis cœlitus dispensationis munere, fidelium defunctorum animarum in Purgatorio existentium suffragiis per amplius consulere cupientes, Decretum hujusmodi à memorata Card. Congr. editum ut præfertur, A postolica auctoritate tenore præsentium confirmamus & approbamus, illique inviolabilis A postolicæ firmitatis robur adiicimus, Salva tamen semper in præmissis auctoritate suprad. Congr. Card. Decernentes eadem præsentes litteras semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore spectabit in omnibus, & per omnia plenissime suffragari & ab eis respectivè inviolabiliter observari. Sicque in præmissis per quoscumque Judices Ordinarios, & Delegatos, etiam causarum Palati A postolici Auditores, judicari, & definiri debere, ac irritum, & inane, si secus super his à quoquam quavis auctoritate scienter, vel ignoranter, contigerit attentari. Non obstantibus, quatenus opus sit, nostra, & Cancellariae A postol. regula de non concedendis Indulgencis ad instar, aliisque Constitutionibus, & Ordinationibus Apostol. ceterisque contrariis quibuscumque. Volumus autem, ut earumdem præsentium litterarum transumptis, seu exemplis etiam impressis manu alicuius Notarii publici subscriptis, & Sigillo persone in Ecclesiastica dignitate constitutæ munitis, eadem prorsus fides in judicio, & extra illud habeatur, quæ præsentibus ipsis haberetur, si forent exhibitæ, vel offensæ. Dat. Romæ apud S. Mariam Majorem sub Annulo Piscatoris, die quartæ Maii, Millesimo, sexcentesimo, octuagesimo octavo, Pontificatus Nostræ Anno Duodecimo.

I. F. Albanus.

7. REN-

7 RENDER GRAZIE CONTINUE. Debemus pro hoc præstantissimo Indulgentiarum beneficio continuo cum Iсаia canere-Miserationum Domini recordabor, laudem Domini super omnibus, quae redditit nobis Dominus, & super multitudinem bonorum Domini Israel, quae largitus est eis secundum Indulgentiam suam: in dilectione sua, & in indulgentia sua ipse redemit eos; & portavit eos, & elevavit eos cunctis diebus saeculi.

8 Advertant præterea locorum Ordinarii, quod ad ipso privativè spectat recognitio Brevium Indulgentiarum, quæ de novo conceduntur per Papam; nec aliquis sine eorum licentia, vel auctoritate potest illa publicare non obstante quacunque exemptione, & prætensa conluctu in contrarium, & etiamsi pro regularium Ecclesiis concedantur, ut à Sac. Congregat. Concili super cap. 9. sess. 21. de reform. decifum fuit, Leo Thesaur. for. Eccles. part. 4. cap. 2. de Confratern. num. 118. Gallemart. supra dict. cap. 9. num. 4. & cap. 5. sess. 22. n. 3. & ita declaravit quoque Sac. Congreg. Immun. in Firmiana 12. Junii 1703. lib. 3. Decr. Vallem. pag. 494. à tergo. Nulla tamen prorsus recepta mercede, sicut Concil. mandat, & Taxa Innocentia; cum Indulgentiae sint gratiæ merè spirituales, quæ non ad quæstum, sed pro salute Animarum, & ad pietatem exercendam concedantur. Et si forte in aliquo Dominio Principum Sæcularium, illorum Ministri talium Brevium publicationem de facto auctoritate potestativa inhiberent, & non nisi soluta aliqua pecuniæ quantitate, relaxarent: tunc tanquam illicitum quæstum non tolerandum, ad Sedem Apostolicam quamprimum deferant, ut auctoritate, & prudentia ejusdem, quod expedit statuatur; prout eis injungitur à Sac. Conc. Trid. in Decreto de Indulgenc. & monet. Petr. Vecchia de Eccles. milit. lib. 1. cap. 9. n. 63. vers. ma quanto indebitum.

9 Item quod translatu festo, non transferunt Indulgentia, ut declaravit Sac. Rit. Congreg. 30. Septembr. 1679. & 10. Junii 1690. relata in rubr. Breviarii fratr. minor. tit. 10. Si tamen festum transferatur non solum quoad officium, verum etiam quoad forum, hoc est quoad abstinentiam ab

oneribus servilibus, tunc censeretur translata etiam Indulgentia, ut putat P. Felix in exam. Eccles. num. 3793. tom. 1. Verum opinio hujus Auctoris non habet fundatum; quia Indulgentiae concessæ pro certo, & determinato die, tanquam eidem affixa, non transferuntur, nisi per Papam hoc expresse concedatur; prout concessit Innoc. XI. PP. Cassinensis pro festo S. Benedicti, indulgendo, quod si incidit in hebdomada majori, tunc Indulgentia sit affixa illi diei, in quem contingit dictum festum esse transferendum, ut refert Biss. in Hierurg. ltt. I. verb. Indulgentia n. 3. in fin. Et iterum instantiæ PP. Minimorum querentium, an translatu festo S. Francisci de Paula post octavam Paschatis, censeretur quoque translata Indulgentia, Congregatio sub die 20. Novembr. 1694 respondit negativè, & serventur rubrica.

Et hac de litteris Pastoralibus attigile sufficiat: hoc unum addito, quod si Episcopi, aliive Ordinarii subditos virtutibus propriis prius non doceant, melius est, quod ab Episcopis Pastoralibus abstineant, & quam factis negare, quod continent.

Deputationis Vicarii Apostolicæ  
Sede Episc. vacante per  
Breve.

### FORMULA VII

#### S U M M A R I U M .

- 1 Vicarius Apostolicus debet esse Sacerdos, & probatur rationibus num. 2. & 3.
- 2 Vicarius Apostolicus quibus de causa deputetur, offenditur.
- 3 Vicarius Apostolicus est loco Episcopi his, que sunt jurisdictionis ordinariae.
- 4 Vicarius Apostolicus quæ facere non possit, indicatur.

Dicitur